

真 簣  
珠 齋  
船 雜  
著



真

珠

船

胡  
侍  
著

中

華  
書

局

叢書集成初編

真 珠 船（及其他一種）

中 華 書 局 出 版 發 行

（北京王府井大街三十六號）

秦 皇 島 市 資 料 印 刷 廠 印 刷

一 九 八 五 年 北 京 新 一 版

開 本：七 八 七 乘 一 〇 九 二 毫 米 三 十 二 分 之 一

統 一 書 號：一 七 〇 一 八 · 一 五 一

## 眞珠船序

王徽之有云。觀書每得一義。如得一眞珠船。余每開卷有得及他值異聞。輒喜而筆之。日摩月攝。間參獨照。時序忽忽。爰就茲編。遂總證曰眞珠船。雖非探之龍頤。頗均剖之鱗腹。槩於博奕。良已勤矣。顧井見不廣。疵類實繁。魚目混陳。貽笑蜚子。採而擇之。尙仰賴於朱仲云爾。

嘉靖戊申八月之望。關西蒙谿山人胡侍自序。

# 眞珠船目錄

## 卷一

說築傳巖

牛蠶

陰譴

有又

覆水不收

削城角

## 卷二

鶴尾

地理

鐘室草

武職不守喪

外國人進士

眞珠船

目錄

涇陽渭汭

年號犯古

掘塹

葵

蔡邕有後

雙頭蓮

墳碑之制

側室死節

苦賣之異

正學祠

四岳

奉承御史

隴上異獸

告訐

公主翁主

誌銘

商賈之服

浮梁二令

漕河

茄蓮

二老奇遇

趙高之詐

賭博

撲朔

卷三

斷竹歌

簫

罰飲

蛙給廩

福堂

臨刑飲酒

軒渠

唐文粹

沈存中論星月

卷四

性與天道

五父之衢

秦聲

關中無舊族

南北首

磬

知醫

離合體

漁父瀨女

事機難測

側厚

文選

精爲星

警枕

隸書

兩造

北曲

琴

君苗

越絕書

死生冥定

子晉劉安

讀書法

感孕之異

合口音

戒石銘

齊氣

含銜音義

僞學

黃金

宋僉事女

卷五

戰車戰船

幕姑

盧坦之言

喬文惠上梁文

稷

歹另

廁膾

蒸字韻

權臣官銜

齊民

親王公主禮

巨人

行藥

房庶論樂

剌

東牆

夫妻義絕

汎濫追呼

梁

巳字三音

粉羹

元曲

識緯書名

障泥

馮夷

龍九子

博學

董賈

甜酒

滕茂實

黍

秭

詩人幸不幸

爐酒

毗狸

盛允高謫官

二王公不私  
無字碑

王忠肅娶妾事  
西瓜

卷六

梁顯

樂巴

吏道廕仕

殷浩語

謝小娥

空桑

幼慧

酒禁

臥視書

精舍

破頭話

太子廟

翰林知縣

大臣處林下

稱閨人字

腋氣

黃州傳奇

薦福牛頭

竹實竹颺

古木不宜伐

女化男

領巾

統萬城

懷遠鎮

卷七

裝潢

臨摹硬黃響楊

水晶鹽

堯舜禹湯非諡

馬踐楊妃

顧姑

日月蝕

黃金臺

古人名字人少知者



陶淵明用古詩

鷄鳴度關

荒鷄

天地之中

皋比

秦皇隋煬武后

漢書疎略

雙

倉頡

卷八

居庸關

龍涎

寡敵衆

二烈婦詩

曹狀元

婦人行狀

不死酒藥

夜短

天祿辟邪

白水

左祖

上元張燈

雍門

胡顏

烏鵲填河

首虜

折象

致仕半祿

氈根

韓蘄王夫人

日南斗北

崆峒

閔子騫贊

張浚傳

蟬不翼鳴

天府陸海

七言詩始

禁苑魚獸食

西翰林

五曲江

蒼雅

頁 船 目錄

蒲輪  
許賽

奇器不傳  
京官騎驢

秦卦

# 眞珠船卷之一

咸寧 胡 侍承之著

## 說築傅巖

說命曰。說築傅巖之野。孔氏傳云。傅氏之巖。有澗水壞道。常使胥靡刑人。築謹此道。說賢而隱。代胥靡築之以供食。至蔡氏不從其說。乃云築居也。今言所居。猶謂之卜築。余按孔子語子路云。傅說負壤土。釋板築而立佐天子。孟子云。傅說舉於板築之間。莊子云。傅說胥靡。墨子云。傅說被褐帶索。庸築傅巖。屈原離騷云。說操築於傅巖。賈誼鵬賦云。傅說胥靡兮。乃相武丁。班固公孫弘贊云。版築飯牛之朋。崔駰達旨云。役夫發夢於王公。張衡應問云。委市築而據文軒。夏侯湛抵疑云。傅說操築以寤主。羊祜讓開府表云。有遺德於版築之下。郭璞三蒼解詁云。板牆上下板。築杵頭鐵杵也。王子年拾遺云。傅說賃爲赭衣。舂於深岩。以自給。蕭綺序錄云。傅說去其舂築。釋彼傭賃。應翹旌而來相。沈約恩倖傳論云。板築賤役也。傅說去爲殷相。右諸說皆遠出蔡氏前。並同孔傳。且孔孟莊墨。去殷皆未大遠。言必有據。不知蔡氏何所見而不之從也。

## 涇屬渭汭

禹貢涇屬渭汭。蔡傳謂涇渭汭三者皆水名。而汭入於涇。鄒季友尚書音釋云。涇水先會汭水。後入渭水。

則經當言涇屬汭渭。不當先渭而後汭。況下文卽有渭汭字。不可異釋。當從孔傳。水北曰汭。黃東發曰抄云。古注謂水內爲汭。若如古說。涇入於渭水之內。而漆沮旣從。澧水攸同。皆主渭言之。文意俱協。若以汭爲一水而入涇。則涇屬渭汭者。是涇旣入渭。汭又入涇。下文漆沮之從。澧水之同。孰從孰同邪。兼經云。涇屬于渭。而乃云汭入于涇。文恐相反。又下文會于渭汭。若二水。則不以會言矣。恐渭汭合依古說。職方氏其川涇汭。易氏解云。汭非禹貢之汭。禹貢言汭皆水內。此川名。余按蔡氏解堯典。媯汭云。爾雅曰。水北曰汭。亦小水入大水之名。蓋兩水合流之內也。故從水從內。又解東過洛汭云。洛水交流之內。今却自背其說。當爲職方氏所誤。而未覩易氏之解耳。況導渭之下。止言澧涇漆沮。絕不及汭。足見蔡氏之失。

四岳

堯典咨四岳。蔡傳云。四岳。官名。一人而總四方諸侯之事。舜典乃日覲四岳。蔡傳云。四岳。四方之諸侯。二解不同。未詳孰是。余意爲四方諸侯者爲得。蓋言日覲。則非旣專指一人。而俾又洪水及巽位。又皆極大事。亦不應獨咨一人而決。況言下卽有兪曰師錫之對。獨咨一人。而衆人同辭越對。恐無是理。

牛蠶

牛蠶並有大功於人。而皆不免於鼎鑊。余聞錫蘭國不食牛肉。止食其乳。牛死卽埋之。私宰者罪死。或輸金如牛首以贖罪。又于蘭國不殺蠶。蛾飛盡。乃得治繭。彼其牛蠶。顧獨何幸也。

年號犯古

宋太祖將改元。諭宰相曰。年號須擇前代所未有者。乃建號乾德。既而聞竇儀之言。始知蜀主王衍嘗有此號。遂發宰相須用讀書人之歎。然國朝永樂之號。實有犯於張遇賢及方臘。而天順則楊安兒及阿速吉八亦並稱之。正德之名。又與雲南段思廉及夏主乾順所建者適同。或者其以僭僞之稱。不足算乎。抑偶未之考也。

### 奉承御史

弘治甲子。山東鄉舉某御史監試。偶閱一卷。顧左右曰。此卷雖佳。但文體頗古。恐不利會試耳。某布政侍坐。輒起拱手曰。實是忒古。御史訝曰。公初未嘗閱此卷。何以知其古。布政惶恐對曰。大人說他古。必定是忒古了。御史爲之啟齒。左右無不匿笑。

### 陰譴

臨潼殷富之弟貴。素不弟。嘉靖初。死三日復生。氣息猶惺惺。輒匍匐向富叩頭曰。弟自今再不敢慢兄矣。富訝問故。貴曰。始貴病革。被二卒縛之。赴城隍廟。及門。見東街某秀才。枷項立門側。執簿唱名以進羣罪人。及貴。乃訝曰。汝亦至此邪。咨嗟頓足。久之。願貴入。已而陞陞。卒捽貴令跪。貴不敢仰視。俄聞殿上厲聲曰。汝何得慢汝兄。罪合杖百。當有數獮鬼。捽貴下陞。蓋將杖之。擲中。貴不勝惶慙。摸首向殿上大呼曰。貴愚蒙不知禮法。請自今改過。再不敢慢兄。卽聞殿上召貴還曰。汝果能改。姑免汝杖。遂縱貴令歸。及擲中。則見北街鄭優一家。皆遭拷掠。備極慘毒。又以鐵鈎鈎其家長脊肋。挂樹枝上。痛楚之聲。所不忍聞。趨至

門則某秀才迎貴喜曰。汝有何功德。乃得復歸。幸甚幸甚。吾有小事。俛汝。吾生時。曾以白金三兩。著不借中。埋寢榻下。汝可召吾子。令發取。少濟貧乏。吾以盜食丁祭肉。被枷。已將三年。不久限滿。幸無他大過。當轉生。令吾子及妻。勿憂念也。言訖。嘔泣。殷勤揖貴。令亟返。貴方趨走迷途。一跌而寢。不意復得見兄。因召秀才子語之。故果如言。得白金亡何。鄭優闔門皆疫死。而其家長獨以背疽云。殷富及邑人賀郡丞說。

掘塹

隋文帝開皇間。突厥啟民。歸男女萬餘。長孫晟奏請徙五原。以河爲固。於夏勝之間。東西至河。南北四百里。掘爲橫塹。令處其內。使得畜牧。王司馬瓊謂古亦掘塹。見於此。余按塹亦作湮。亦作塹。秦紀始皇通自九原至雲陽。因邊山險。塹谿谷。又塹山堙谷。千八百里。又湮河旁。漢高紀深湮而守。晁錯傳高城深塹。相如傳隴牆塹。陳湯傳穿塹。趙充國傳湮壘木樵。潘岳馬汧督誅。剌以長塹。劉良註。剌掘也。梁書韋叡傳。夜掘長塹。掘塹之事。不始見於隋也。

隴上異獸

唐長慶二年五月。有自吐蕃至者。稱隴上自去歲以來。出異獸如猴。而腰尾皆長。色青。迅猛。見蕃人卽捕而食之。遇漢人則否。方今關外乏材。安得此獸數千。分布九邊。以禦獯鬻。

有又

有又二字。古通用。故詛楚文云。又秦嗣王。而字書解有。亦曰又也。禹貢云。作十有三載。乃同。謂十載而又

三載也。秦誓惟十有三年。洪範惟十有三祀。無逸享國七十有五年。義並同。洛誥云。在十有二月。謂十月而又二月也。伊訓十有二月。春秋十有一月。義並同。曹娥碑云。旬有七日。謂旬日而又七日也。後漢鴻臚陳君碑。及魏大饗碑。旬有八日。韓愈復上宰相書。十有九日。義並同。惟初旬之日。不可復用有字。如曆中初七日。初八日。謂初旬之七日八日也。既謂之初。何又之有。猶二年。不可曰有二年。秋七月。不可曰秋有七月也。故漢衛尉衡方碑。止云二月五日。魏繁欽與文帝牋。止云正月八日。韓愈上張僕射書。止云九月一日。此類不能枚舉。近有撰金石文。而云初有五日。初有七日者。義殊不通。

### 葵

葵之種類不一。有丘葵。廣雅曰。歸丘葵也。有胡葵。廣志曰。其花紫赤。有冬葵。陶隱居曰。以秋種葵。覆養經冬。至春作子。謂之冬葵。本草圖經云。苗葉作菜茹。更甘美。管子曰。桓公北伐山戎。得冬葵。布之天下是也。有蜀葵。爾雅所謂葍戎葵者也。郭璞云。如木槿華。戎蜀蓋其所自。因以名之。花有五色。有紅者。又號一丈紅。又有黃蜀葵。與蜀葵頗相似。葉尖狹多刻缺。夏末開花。淺黃色。蕊心下作紫檀色。本草衍義云。與蜀葵別種。非爲蜀葵中黃者也。有錦葵。花小葉圓。有終葵。一名落葵。一名天葵。一名繁露。一名承露。一名藤葵。爾雅所謂慈葵繁露是也。郭璞云。大莖小葉。紫黃色。陶隱居云。人家多種之。葉惟可鉶鮓。子紫色。女人以漬粉傅面爲假色。俗呼爲胡燕脂。蜀本圖經云。蔓生。葉圓厚如杏葉。子如五味子。生青熟黑。所在有之。食療云。其子令人面鮮華可愛。取蒸烈日中曝乾。按去皮。取仁細研。和白蜜傅之。甚驗。博物志云。人食落葵。

爲狗所齧。作瘡則不瘥。有龍葵。本草唐本註云。卽關河間謂之苦菜者。葉圓花白。子若牛李子。生青熟黑。但堪煮食。不任生噉。孟詵云。其味苦。按去汁食之。食醫心鏡云。龍葵作羹粥食之。並得圖經云。惟北方有之。北人謂之苦葵。葉圓似排風而無毛。有莧葵。爾雅曰。蒺藜葵。郭璞註云。頗似葵而小。葉狀如藜。有毛。灼啖之滑。廣志云。葵。葵淪之可食。本草唐本註云。苗如龍芮。葉光澤。花白似梅。莖紫色。煮汁極滑。堪食。劉禹錫所爲。動搖春風者也。有荆葵。一名芫苢。爾雅曰。苕蚍蚍是也。郭璞註云。似葵紫色。陸機云。似蕪菁。華紫綠色。可食。微苦。有錢葵。叢低。又一種千葉可愛。有鳧葵。馬融傳曰。桂荏鳧葵。葉圓似蓴。生水中。一名水葵。有蒲葵。可食。葉似葵而大。中作扇。謝安取蒲葵扇中者。捉之是也。有露葵。顏氏家訓云。蔡朗父諱純。遂呼蓴菜爲露葵。王維詩云。松下清齋折露葵。意謂帶露之葵。不指蓴菜。蓋蓴菜非輞川所有。宋玉風賦云。烹露葵之羹。曹植七啟云。霜蓄露葵語。並在蔡朗前。亦不指蓴菜。有楚葵。卽水中芹菜。有澤葵。卽莓苔。鮑昭蕪城賦。澤葵依井是也。齊民要術。又有鴨脚葵。紫莖葵。白莖葵。春葵。秋葵。余接葵類雖多。鮮不堪茹。古人重之。故幽風七月烹葵。周禮醯人饋食之豆。其實葵菹。儀禮贊者一人。執葵菹以授主婦。公儀休食葵而美。魯監門女嬰。謂馬佚食園葵。歲利亡半。魯漆室女謂馬佚踐園葵。使終歲不厭葵味。崔寔云。六月六日可種葵。中伏後可種冬葵。九月作葵菹乾葵。潘岳閑居賦。菜則綠葵含露。齊周顒答王儉云。綠葵紫蓴。荆楚歲時記云。仲冬菜經霜。蕪菁葵等雜菜乾之。並爲鹹菹。齊民要術。有種葵法甚詳。又謂種葵三十畝。勝作十頃穀。又爾雅翼云。葵爲百菜之王。味尤甘滑。今人絕不食此。是以亦鮮種之。不知何故。余也葵蕪之。



委。意將訪諸老圃。廣藝茲品。以當梁肉。

### 告許

許以爲直。孔子所惡。漢書刑法志云。孝文懲惡亡秦之政。論議務在寬厚。恥言人之過失。化行天下。告許之俗易。吏安其官。民樂其業。宋勅諸不干己。輒告論者。杖一百。其所告事。不得受理。真西山帥長沙。咨目云。告許乃敗俗亂化之原有犯者。自當痛治。何可勾引。今官司有受人實封狀。與出榜召人告首。陰私罪犯。皆係非法。不可爲也。又論俗榜云。事不干己。輒行告許。裝撰詞說。夾帶虛實。如此之類。皆是無理。黃東發引放訴訟。榜云。不干己事不受。胡太初畫簾緒論云。告許者。未問虛實。先坐不應爲罪。若狀詞本訴之外。因而告首其家隱微者。亦勿聽理。併先坐罪。茲皆得孔子遺意。吳張俶以多所詣白。爲孫皓寵任。乃表置彈射三十人。專糾司不法。於是吏民各以愛憎。互相告許。獄犴盈溢。後倣姦利事發。皓車裂之。北齊盧裘。伺察官人罪失。動卽奏聞。朝士莫不重跡屏氣。後杖死獄中。唐來俊臣。以上變見用。聚結不逞。誣搆良善。至誣狄仁傑以謀反。後伏誅。仇家爭噉其肉。敬羽爲御史。暴忍。斥道州刺史。詔殺之。臨死。袖中出牒數番。乃吏相皆許。咤曰。不及推死矣。宋曹州人趙諫。嘗爲小官。以罪廢。唯以錄人陰事。控制閭里。人畏之。甚於寇盜。官司亦爲其羈縻。俯仰取容而已。兵部員外郎謝濤。知曹州。具前後巨蠹狀。奏列章下御史披治。姦賊狼籍。遂論棄市。曹人皆相賀。因此有告不干己事。法著于勅律。右五人皆以嗜告許誅死。足見天刑不爽。今問刑條例云。軍民人等。干己詞訟。不行親實奏訴者。立案不行。仍提本身問罪。可見不干己事。雖